

cælum potest infinita vel actu vel successive. Ad tertiam, concedimus quod inducit diuersitatem hic inferiorius habere causas immediatas, sed superiores & cælestes (quæ primæ sunt & potiores) licet occultiores quoad nos non excludunt. Quarta quod aliunde quam à Saturno quandoque frigus causetur concludit. Sed in casu posito, Saturnum à causalitate non excludit. Quinta concludit quod supra notatum est, virtutes influxiuas non à sola luce procedere, sed ex situ, vel aspectu, vel loco contingere syderibus. Ad sextam sicut ad tertiam, concedimus effectuum esse causas inferiores & immediatas, quæ nequaquam superiores excludant. Septima difficultat de qualitate per cælum influxa, quomodo durare potest, sed eadē est difficultatis ratio de qualitatibus, quas à principio conceptionis secundum modum complexionis in quolibet causari nemo nescit. In huiusmodi igitur quia ita est cognoscimus, causam autē propter quid perdurat tam immobiliter facilius miramur quam penetramus. Sed occasione habita de ista influenza cæli, quæ videtur esse quædam qualitas à cælo causata, cum sit alia quam causat agens proximum, ergo duę qualitates eiusdem rationis. Solutio ut suprā tactum est, influenza idem est quod actio. Actio autem quandoque ponitur pro re acta, seu pro effectu per actionem prodeunte, & similiter influenza pro